

STATUTI
I SHOQËRISË TREGTARE ME PËRGJEGJËSI TË KUFIZUAR
“Robox”

Sot, më datë 20/08/2025 (dymijë e njëzetë e pesë), i pranishëm:

- **Z. Sildi Caushi**, shtetas shqiptar, lindur më 30/09/1995 në Tiranë dhe me banim në Tiranë, mbajtës i Letërnjoftimit ID me Nr. BB4225766 dhe me numër personal J50930068V, madhor e me zotësi të plotë juridike për të vepruar;

i cili në cilësinë e ortakut të vetëm, me vullnet të lirë dhe të plotë, bazuar në legjislacionin shqiptar si:

- Kushtetuta e Republikës së Shqipërisë;
- Kodi Civil i Republikës së Shqipërisë i azhornuar;
- Ligji Nr. 9901, Dt. 14.04.2008 “Për Tregtarët dhe Shoqëritë Tregtare” i azhornuar;
- Ligji Nr. 131/2015 datë 26.11.2015, “Për Qendrën Kombëtare të Biznesit” i azhornuar;
- Në bazë të legjislacionit në fuqi të Republikës së Shqipërisë.

themelon shoqërinë, në formën e një Shoqërie me Përgjegjësi të Kufizuar, (sh.p.k), si një shoqëri e të drejtës shqiptare, e cila do të funksionojë në përputhje me ligjin shqiptar dhe në përputhje me këtë Statut.

NENI 1
EMËRTIMI

Themelohet një shoqëri e së drejtës shqiptare me përgjegjësi të kufizuar me emërtimin **“Robox”**

NENI 2
RREGJISTRIMI I SUBJEKTIT

Rregjistrimi i subjektit do të bëhet pranë **Qendrës Kombëtare të Biznesit**.

NENI 3
SELIA

Selia e shoqërisë ndodhet në Tiranë, në adresën: Rruga e Kavajes, Pallati Milo 2000, Nr:1 (perballe Fabrikes se Birres) 1000, Tiranë, Shqipëri. Asambleja e Përgjithshme e Ortakëve mund të vendosë krijimin ose mbylljen e selive dytësore, filialeve, zyrave të përfaqësimit dhe degëve të shoqërisë ose transferimin e selisë së shoqërisë në qytete të tjera si në Shqipëri ashtu edhe jashtë saj.

Vendbanimi i ortakëve për të gjitha marrëdhëniet me shoqërinë është ai që rezulton nga akti i themelimit ose nga njoftimet e mëvonshme të tyre dërguar pranë selisë së shoqërisë.



NENI 4 OBJEKTI

Objekti i veprimtarisë së shoqërisë është:

1. Zhvillim Softi & Aplikacionesh.
2. Sisteme CRM & ERP.
3. Robot për restorante, dyqane & hotele. Robot kamarier që shërbejnë në restorante/hotel. Robot për dyqane, depo, ose shpërndarje. Lidhen me kasat ose sistemet ekzistuese (POS/CRM), instalime, trajnime dhe servise.
4. Soft i gatshëm (gati për përdorim) Menaxhim stokesh & magazinash. Rezervime me orare Online. Soft për kontrollin e orarit të stafit. Chatbot dhe asistencë virtuale për klientët. Menaxhin dyqanesh online dhe shitje.
5. Konsulencë & Suport Teknik. Strategji për automatizim & dixhitalizim. Lidhje sistemesh bashkë që të funksionojnë si një e vetme. Mirëmbajtje mujore dhe suport teknik. Optimizim i teknologjisë aktuale.

Gjithashtu për të realizuar objektin dhe qëllimet e saj, Shoqëria mund të ndërmarrë dhe zhvillojë çdo lloj aktiviteti që përfshihet apo që mund të shtohet/pakësohet në objektin e saj që i vlerëson të dobishme apo të nevojshme për arritjen e qëllimeve të saj.

NENI 5 KOHËZGJATJA

Kohëzgjatja e veprimtarisë së shoqërisë është e pakufizuar. Afati fillon nga momenti i regjistrimit të shoqërisë në regjistrin e shoqërive tregëtare deri sa të mbyllet me akte ligjore.

NENI 6 KAPITALI THEMELTAR

Kapitali themeltar i shoqërisë është 100 ALL (një qind lekë) dhe është i përbërë nga 1 (një) kuotë me vlerë nominale 100 ALL (njëqind lekë).

Kapitali themeltar zotërohet totalisht nga ortaku i vetëm **Z. Sildi Caushi**, shtetas shqiptar, lindur më 30/09/1995 në Tiranë dhe me banim në Tiranë, mbajtës i Letërnjoftimit ID me Nr. BB4225766 dhe me numër personal J50930068V, madhor e me zotësi të plotë juridike për të vepruar.

NENI 7 KALIMI I KUOTAVE

Pjesët e kapitalit themeltar janë nominative dhe të ndashme sipas ligjit. Të drejtat, përfshirë edhe e drejta e votës, u takojnë ortakëve në përpjestim me kuotat që secili zotëron në kapitalin themeltar.

Pjesët e kapitalit themeltar janë lirisht të transferueshme ndërmjet ortakëve në rastet kur kjo shoqëri mund të përbëhet nga më shumë se një ortak.

Në rastin e kalimit të kuotave në favor të të tretëve, ortakëve të tjerë të shoqërisë u takon e drejta e parablerjes. Ortaku që dëshiron të transferojë, tërësisht ose pjesërisht, kuotat e pjesëmarrjes së tij në shoqëri duhet t'ju komunikojë ortakëve të tjerë nëpërmjet letër

rekomande, ofertën e marrë, duke treguar emrin e blerësit dhe kushtet e tjetërsimit, në mënyrë të veçantë çmimin e caktuar dhe modalitetet e pagesës. Ortaku / ortakët e interesuar, brenda tridhjetë ditëve nga marrja dijeni, duhet t'i komunikojnë ortakut që tjetëron të drejtat, nëpërmjet letër rekomande, interesin për të ushtruar të drejtën e parablerjes, duke përfshirë, eventualisht, edhe interesin për blerjen e pjesës së kuotave për të cilën nuk është ushtruar e drejta e parablerjes nga ana e ortakëve të tjerë. Është i pavlefshëm çdo njoftim që nuk përmban të gjithë të dhënat e mësipërme.

Në rast se asnjë prej personave që kanë të drejtën e parablerjes nuk mund ose nuk dëshiron ta ushtrojë atë, e drejta që u takon zmadhohet automatikisht dhe përpjestimisht në favor të ortakëve të tjerë që kanë shprehur interesin e tyre në ushtrimin e kësaj të drejte. Në rast se disa ortakë, që marrin ofertën, ushtrojnë të drejtën e parablerjes, kuotat do të ndahen ndërmjet tyre në përpjestim me pjesët respektive të kapitalit themeltar që zotërojnë.

Në rast se në letrën e komunikimit tregohet një person që bën pjesë në shoqëri, edhe këtij të fundit i përket e drejta e parablerjes krahas ortakëve të tjerë. E drejta e parablerjes duhet të ushtrohet për të gjithë pjesëmarrjen e ofruar, pasi i tillë është objekti i propozimit të formuluar nga ortaku ofrues. Parablerja duhet të ushtrohet për çmimin e përcaktuar nga ofruesi.

Nëse parablerja nuk ushtrohet brenda afateve të treguara më sipër dhe për tërësinë e pjesëmarrjes së ofruar, ortaku ofrues mund t'i transferojë kuotat e veta në favor të blerësit të treguar në komunikim dhe në kushtet e parashikuara në të, pasi të kete marrë pëlqimin paraprak të ortakëve që përfaqësojnë të paktën gjysmën e kapitalit themeltar.

Pëlqimi i ortakëve mund të mohohet nëse blerësi i propozuar ndodhet në njërën nga kushtet si më poshtë:

- Është dënuar për një vepër penale me vendim gjyqësor, edhe nëse nuk ka marrë ende formën e prerë;
- I është hequr ose kufizuar zotësia për të vepruar, ka falimentuar, ose është dënuar me një dënim plotësues që sjell ndalimin, edhe të përkohshëm, të së drejtës për të ushtruar funksione publike ose detyra drejtuese pranë personave juridike;
- Në momentin e transferimit të pjesëmarrjes, nuk merr përsipër detyrimin kundrejt shoqërisë të kryejë shërbimet aksesore, për të cilat detyrohej ortaku shitës;
- Ushtron për llogari të vet ose të dikujt tjetër një veprimtari konkurruese me atë të shoqërisë.

Në rast se pëlqimi i ortakëve mohoet gjithsesi, edhe jashtë rasteve të parashikuara më lartë, ortaku gëzon të drejtën e largimit nga shoqëria, sipas afateve dhe modaliteteve të parashikuara nga Ligji Nr. 9901, datë 14.04.2008 "Për tregtarët dhe shoqëritë tregtare" ("*Ligji Tregtar*").

NENI 8 VENDIMET E ASAMBLESË SË ORTAKËVE

Asambleja e Përgjithshme e Ortakëve vendos mbi çështjet që i rezervohen kompetencës së saj nga ligji dhe nga ky Statut .

Asambleja e Përgjithshme e Ortakëve vendos me shumicë të zakonshme të votave të ortakëve pjesëmarrës në lidhje me të gjitha çështjet që nuk kërkojnë shumicë të kualifikuar, sipas nenit 9 të këtij statuti, në rast se në asamble marrin pjesë ortakët që zotërojnë të paktën ose më shumë se 51% (pesëdhjetë e një përqind) të kuotave.



NENI 9 MBLEDHJA E ORTAKUT TË VETËM

Në rast se kuotat e kapitalit themeltar zotërohen tërësisht nga një ortak i vetëm do të zbatohen dispozitat e posaçme të Ligjit Tregtar, si dhe dispozitat e këtij statuti për sa janë të aplikueshme për shoqërinë me përgjegjësi të kufizuar me ortak të vetëm.

NENI 10 VENDIMET ME SHUMICË TË KUALIFIKUAR

Asambleja e Përgjithshme e Ortakëve vendos me $\frac{3}{4}$ (tre të katërtat) e votave të ortakëve, mbi ndryshimet e këtij Statuti, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Në asnjë rast, shumica nuk mund të detyrojë ndonjë prej ortakëve të zmadhojë angazhimin e tij në kapitalin themeltar të shoqërisë.

NENI 11 THIRRJA E ASAMBLESË SË ORTAKËVE

Asambleja e Përgjithshme e Ortakëve e thirrur në mënyrë të rregullt përfaqëson tërësinë e ortakëve dhe vendimet e saj, të marra konform ligjit dhe këtij statuti, janë të detyrueshme për të gjithë ortakët edhe nëse këta mungojnë ose nuk janë të njëjtit mendim.

Asambleja thirret nga administratori nëpërmjet njoftimit me shkresë dërguar ortakëve. Asambleja mund të thirret edhe nëpërmjet postës elektronike.

Në njoftimin e thirrjes duhet të tregohen vendi, dita dhe ora e mbledhjes dhe lista e çështjeve që do të trajtohen. Në mungesë të formaliteteve të mësipërme, asambleja e përgjithshme e ortakëve mund të marrë vendime të vlefshme vetëm nëse të gjithë ortakët janë dakord për të marrë vendime, pavarësisht parregullsisë në thirrje.

Ortakët kanë të drejtën e pjesëmarrjes në asamble dhe gëzojnë të drejtën e votës në përpjestim me pjesëmarrjen e secilit prej tyre në kapitalin themeltar të shoqërisë.

Vendimet e asamblesë së përgjithshme të ortakëve duhet të regjistrohen në procesverbalin e nënshkruar nga kryetari dhe mbajtësi i procesverbalit.

NENI 12 ADMINISTRIMI I SHOQËRISË

Organi i vetëm Administrativ i shoqërisë është Administratori i saj i vetëm;

- **Sildi Caushi**, shtetas shqiptar, lindur më 30/09/1995 në Tiranë dhe me banim në Tiranë, mbajtës i Letërnjoftimit ID me Nr. BB4225766 dhe me numër personal J50930068V, madhor e me zotësi të plotë juridike për të vepruar;

që do të qëndrojë në detyrë për një periudhë prej 5 vjetësh me të drejtë rizgjedhje.

Nuk mund të emërohen në detyrën e administratorit, edhe nëse janë emëruar, duhet të shkarkohen personat, të cilëve u është hequr ose kufizuar aftësia për të vepruar, kanë



falimentuar ose u është ndaluar, edhe përkohësisht, e drejta për të ushtruar funksione publike ose detyra drejtuese pranë personave juridikë, si rrjedhojë e një vendimi penal.

Çdo emërim që bie ndesh me interesat e shoqërisë nuk do të konsiderohet si konflikt interesi nëse mer votbesimin e të paktën 51% (pesëdhjetë e një përqind) të ortakëve.

Në rast emërimi për një afat të caktuar, detyra e tyre përfundon në datën e asamblesë së thirrur për miratimin e bilancit të vitit të fundit ushtrimor të mandatit të tyre.

Përfundimi i mandatit të administratorit për shkak të përfundimit të afatit ka efekt nga momenti i riformimit të organit administrativ.

NENI 13

KOMPETENCAT E ADMINISTRATORËVE

Administratorët kanë të gjitha kompetencat për administrimin e zakonshëm të shoqërisë, në përputhje me sa është parashikuar nga ligji, nga akti i themelimit dhe nga ky statut. Ata gëzojnë të drejta dhe fuqi të plota për kryerjen e çdo veprimi që vlerësojnë të dobishëm për realizimin e objektivave të shoqërisë, me përjashtim të atyre që duhet të merren me vendim të Asamblesë së përgjithshme të ortakëve. Në mënyrë të veçantë, hyjnë në kompetencat e organit administrativ veprimtaritë e mëposhtme :

- a) Hartimi i inventarit, llogarive vjetore dhe raportit me shkrim mbi administrimin, në mbylljen e çdo viti financiar;
- b) Hartimi i projekteve të bashkimit dhe ndarjes së shoqërisë;
- c) Propozimi për çeljen apo mbylljen e degëve, filialeve, zyrave të përfaqësimit të shoqërisë si në Shqipëri ashtu edhe jashtë saj.
- d) Përgatitja e relacioneve mbi marrëveshjet e mundshme të realizuara ndërmjet shoqërisë dhe një prej administratorëve ose ortakëve të saj.

Në rastin e disa administratorëve, secili prej tyre mund të ushtrojë veçmas të gjitha veprimet për administrimin e zakonshëm të shoqërisë.

Administratorët mund të emërojnë përfaqësues të posaçëm për kryerjen e akteve të veçanta ose të një kategorie aktesh, duke përcaktuar kompetencat përkatëse.

Në rast kundërshtimi të njërit prej administratorëve, ndaj akteve që synon të kryejë një tjetër, kompetenca për të vendosur mbi kundërshtimin, i përket Asamblesë së Ortakëve.

NENI 14

PËRFAQËSIMI

Administratori ushtron i vetëm përfaqësimin e përgjithshëm të shoqërisë kundrejt të tretëve dhe në gjykim. Ai mund të caktojë avokatë dhe përfaqësues të shoqërisë përpara organeve gjyqësore, organeve të administratës shtetërore dhe të tretëve, si dhe përfaqësues të posaçëm për akte të veçanta ose kategoritë aktesh.

Në rastin e disa administratorëve, administratorët ndërmjet tyre zgjedhin kryetarin dhe marrin vendime me shumicë të thjeshtë të të gjithë antarëve.

Kryetari ka të drejtën e përfaqësimit ndaj palëve të treta vetëm mbasi të ketë marrë votëbesimin e antarëve të tjerë.



NENI 15
VITI USHTRIMOR DHE BILANCI

Viti ushtrimor fillon më 1 Janar dhe mbyllet në 31 Dhjetor të çdo viti.
Në fund të çdo viti ushtrimor, organi administrativ procedon me hartimin e bilancit të vitit ushtrimor, brenda afateve dhe në përputhje me dispozitat e ligjit.
Dokumentat e kontabilitetit, të shoqëruar nëse janë të nevojshëm nga raporti i ekspertëve kontabël të autorizuar, duhet tu komunikohen dhe tu vihen në dispozicion ortakëve pranë selisë së shoqërisë të paktën pesëmbëdhjetë ditë përpara datës së Asamblesë.
Viti i parë ushtrimor fillon në datën e themelimit të shoqërisë dhe përfundon më 31 Dhjetor të atij viti.

NENI 16
FINANCIMI I ORTAKËVE

Shoqëria mund të marrë nga ortakët kontribute në të holla dhe hua apo forma të tjera, me ose pa kamatë, në përputhje me dispozitat në fuqi në Republikën e Shqipërisë. Dhënia e këtyre financimeve nga ana e ortakëve është e lirë.

NENI 17
PRISHJA E SHOQËRISË

Prishja e shoqërisë vendoset nga Asambleja e Përgjithshme e Ortakëve me shumicat e parashikuara për ndryshimin e këtij statuti për një nga shkaqet e mëposhtme:

- 1) përfundim të afatit, nëse ka;
- 2) pamundësi të funksionimit ose mosfunksionim të vazhdueshëm të asamblesë;
- 3) me vendim të asamblesë së ortakëve;
- 4) për shkaqe të tjera të parashikuara me ligj.

NENI 18
ZGJIDHJA E MOSMARRËVESHJEVE

Mosmarrëveshjet që mund të lindin ndërmjet ortakëve ose dhe shoqërisë dhe që ka objekt të drejta të disponueshme në lidhje me marrëdhëniet e tyre me shoqërinë do të zgjidhen nga Gjykata e Rrethit Gjyqësor Juridiksioni i Përgjithshëm Tiranë.

NENI 19
LEGJISLACIONI I ZBATUESHËM

Gjithçka që nuk është parashikuar shprehimisht në këtë statut do të disiplinohet nga dispozitat ligjore në fuqi në Republikën e Shqipërisë, për sa të aplikueshme.

Ky statut u hartua në kater kopje të njëjta në gjuhën shqipe dhe nënshkruhet rregullisht nga ortaku i shoqërisë.

ORTAKU THEMELUES
Sildi Caushi

Sildi Caushi 